

Ujaasineq



... sammisaq toqqaruk

Attaveqarfissat



# KOL - puakut nappaateqarpunga

## PIVIUSOQ

Kronisk Obstruktiv Lungesygdom – ilaasa taasartagaat pujortartartut puat – ataavartumik nappaataavoq. KOL tassaavoq puakut uumisaartittuarneq ataavartoq puakut tinusoornerik aamma anersaartornerup aqquaatigut uuminartorneq kiisalu nuaqarnerulernermik kinguneqartartoq.

Taamatut atugaqarneq quersortarnertigut takussutissartaqarpoq, silaannaap sulluatigut nuaqarneq anersaartornerliortarnerillu – aallaqqaataani, aalatilluni, kingornalu nappaateqarnerup allinerani uninngaannarnermiluunniit anersaartornerneq ajornakusoortunngortarpoq.

Nappaat amerlasuutigut pigineqarusaartuaannartuuvoq nappaateqarnermut ersiutit siullit atuutilinginneranni, nappaalli nalinginnaasumik paasineqarajuttarpoq aatsaat puuap sulisinnaassusiata affaata atorsinnaajunnaarnerata kingorna.

NASSIUSSIGIT



PDF-ILIARIUK



EMBED



## NAPPAAMMIK SUUSSUSILINEQ QANOQ PAASINIARNEQARTARPA?

Suussusiliineq paasiniarneqartarpoq nakorsamut puat sulisinnaassusiata uuttortartinneratigut.

## KOL SUMIK PISSUTEQARPA?

Pujortartarneq nappaammut pissutaasarpog 80-90 %-iini. Pissutaasut allat tassaasinnaavoq mingutsitsineq.

## KINA MISISSORNEQASSAVA?

Pingaaruteqarpoq puat peqqissusiata misissortittarnissaa 35-it qaangerlugit ukioqarsimagaanni, pujortartartuugaanni pujortartarsimagaanniluunniit AAMMA makkuninnga ersiutitik peqaraanni:

- Quersortarneq
- Anersaartornerliortarnermi ajornartorsiuteqartaraanni, soorlu

assersuutingalugu majuartarfikkoortilluni taamatut ersertoqaraangat

- Nuaqartarneq annertusigaangat
  - Anersaartuutip sulluatigut nappaatinik tunillatsikulagaanni.
- 

## NEQEROORUTIT

Peqqinnissaqarfiup iliuuserisinnaavai:

- Puuat sulineranni uuttortaasinnaapput taamaaliornikkut KOL-ip qanoq annertutiginera pillugu naliliisinnanissaq anguniarlugu.
- Qanoq inooriaaseqarsinnaanissamut siunnersuisinnaallutik.
- Nakorsaatisanik tunniussaqaarsinnaapput – anersaartorniarnermut iluaqummik ajorluinnaraangalluunniit iisartakkanik tunniussaqaarsinnaapput
- Akulikitsumik nappaatip takujumasarnissaanik piunaffiginnissinnaapput.

Nakorsaait puat sulisinnaassusiannik nalinginnaasunngortitseqqissinnaanngillat.

---

## ILLIT NAMMINEQ QANOQ ILIORSINNAAVIT?

- Pingaarnarpaavoq [pujortarunnaarnissaq](#). Taamaallaat pujortarunnaarnerp nappaatit sukkasuumik alliartuinnarnera unikaallatsissinnaavaa.
  - Timimik aalatitsiuarneq KOL-ip akiorniarnernanut iluaqutaasinnaasut pingaarullit ilagaat.
  - KOL-eqaraanni pingaaruteqarpoq nappaatip suuneranik ilisimasaqalernissaq, tamanna taamatut nappaat atorlugu inuunerup pitsaanerpaamik qanoq ittuusinnaanissaanik paasisimasaqarnerulersitsisarmat.
  - Nakorsaaitortarnissaq pisariaqartarsinnaavoq.
  - Ukiumoortumik napparsimasarnissamut influenzamut kapitinnissaq kaammattuutaavoq. Allatulluunniit ittunik iluaqutissanik [kapitittoqarsinnaavoq](#).
- 

## PAASISSUTISSAT

Itinerusumik atuarit

”Inuuneq tunissutaavoq – Inuunermi pissutsinut najoqqutassaq”



aamma Peqqinnissaqarfimmi pissarsiarineqarsinnaavoq.

### SAAFFIGISASSAT

[Najukkanni peqqinnissaqarfik saaffigiuk](#)

### NUTAARSIASSAQ

19. novemberip 2019

## Ukiumi maligassiuisuinik eqeersimaartunik toqqaaneq

Timip aalatinnerunissaa pillugu Paarisap unammisitsinerani ajugaasut toqqaarput. Katuami arfininngornerup unnukkuani Maligassiusut Aliikkusersuineranni ukiumi atuariit, suliffeqarfiit innuttaasutullu eqeersimaartut nersorneqarput nersornaaserneqarlutillu.

### NUTAARSIASSAQ

3. decembarip 2019

## Pitsaaliuineq peqqissuunissarlu nukittorsarniarlugit aqutsisut katersuuttut

Paarisami Peqqissutsimullu Naalackersuisoqarfimmi sulisut Statens Institut for Folkesundhedimeersut peqatigalugit, Avannaata Kommunianut, Kommune Qeqertalimmut Qeqqatalu Kommunianut, 2018-imi innuttaasut peqqissusaannik misissuisitsinermit 2018-imilu meeqqanik atuarnik misissuisitsinermit kisitsisinik nutaanerpaanik saqqummiussiniarlutik, kommunini taakkunani pingasuni pitsaaliuinermit peqqissuunissamillu suliniuteqarneq oqaluuseriniarlugu angalaqqammerput.



PEQQIK.GL PILLUGU



ATORTUSSANIK  
INNIMINNIFFIK



ILINNIARTITAANEQ



SULIAQARTUNUT



INFO IN ENGLISH



NUTAARSIASSAT



VIDEREUDDANNELSE



SAQQUMMERSITAT

